



Broj: 02-05-22100-4/18
Sarajevo, 17.05.2018. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – novi prečišćeni tekst i 37/14-ispravka), Vlada Kantona Sarajevo na **126.** sjednici održanoj **17.05.2018.** godine, donijela je sljedeći

Z A K L J U Č A K

1. Prihvata se Izvještaj o izvršenim inspekcijskim pregledima Upravnog inspektorata u toku 2017. godine.
2. Izvještaj iz tačke 1. ovog Zaključka dostavlja se Skupštini Kantona Sarajevo, informativno.

P R E M I J E R

Adem Zolj, Mr.dipl.ing.saob.

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Evidencija
6. Archiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

Bosna i Hercegovina
Federacija Bosne i Hercegovine

KANTON SARAJEVO
Ministarstvo pravde i uprave



Bosnia and Herzegovina
Federation of Bosnia and Herzegovina

CANTON SARAJEVO
Ministry of Justice and Administration

UPRAVNI INSPEKTORAT

IZVJEŠTAJ O IZVRŠENIM INSPEKCIJSKIM PREGLEDIMA U TOKU 2017. GODINE

Sarajevo, april 2018. godine



web: <http://mpu.ks.gov.ba>

e-mail: mpu@mpu.ks.gov.ba;

Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1

IZVJEŠTAJ O RADU

Upravnog inspektorata za period 01.01. - 31.12.2017. godine

UVOD

Inspeksijski nadzor nad radom kantonalnih, gradskih i općinskih organa uprave, upravnih organizacija i pravnih lica sa javnim ovlaštenjima osnovanih kantonalnim zakonom, predstavlja vrstu upravnog nadzora kojeg Ministarstvo pravde i uprave Kantona Sarajevo ostvaruje putem upravne inspekcije.

Upravni inspektorat, u skladu sa odredbama čl. 132. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05) i Programom rada Ministarstva pravde i uprave Kantona Sarajevo za 2018. god. ima obavezu da podnese pismeni izvještaj Vladi i Skupštini Kantona Sarajevo o izvršenim inspeksijskim pregledima, o nađenom stanju, o oblicima i načinima kršenja zakona i drugih propisa, nedostacima u propisima i prijedlozima za izmjenu pojedinih zakonskih rješenja, kao i o poduzetim mjerama kako bi se otklonile utvrđene nepravilnosti.

ORGANIZACIONI STATUS UPRAVNOG INSPEKTORATA I USLOVI RADA

Kantonalna upravna inspekcija je organizovana kao Upravni inspektorat koji kao osnovna organizaciona jedinica djeluje u okviru Ministarstva pravde i uprave Kantona Sarajevo. Ovakvo organizaciono rješenje omogućava samostalnost u radu inspekcije. Upravna inspekcija vrši nadzor koji po svojoj ulozi, nadležnostima i odnosima prema drugim inspekcijskim predstavljaju nadzor "sui generis". Subjekti nadzora su kantonalni, gradski i općinski organi uprave, upravne organizacije i pravna lica sa javnim ovlaštenjima kojima su ta ovlaštenja prenesena kantonalnim zakonom.

Pravilnikom o unutrašnjoj organizaciji Ministarstva pravde i uprave Kantona Sarajevo, predviđeno je da poslove upravne inspekcije neposredno izvršavaju četiri upravna inspektora i jedan glavni upravni inspektor. U izvještajnom periodu, poslove Upravnog inspektorata su obavljale dvije upravne inspektorice.

Upravni inspektorat u ovom izvještajnom periodu ima dobru materijalno tehničku opremljenost kao i mogućnost nabavke stručne literature i stručnog usavršavanja inspektora koja je neophodna zbog širine pravnih oblasti koje su u nadležnosti upravne inspekcije.

NADLEŽNOST UPRAVNE INSPEKCIJE

Upravna inspekcija vrši nadzor nad primjenom slijedećih zakonskih i podzakonskih propisa:

1. Zakon o organizaciji organa uprave u Federaciji Bosne i Hercegovine, ("Službene novine Federacije Bosne i Hercegovine", broj 35/05),
2. Zakon o upravnom postupku Federacije Bosne i Hercegovine, ("Službene novine Federacije Bosne i Hercegovine", broj 35/05),
3. Zakon o namještenicima u organima državne službe u Federaciji Bosne i Hercegovine, ("Službene novine Federacije Bosne i Hercegovine", broj 49/05),
4. Zakon o državnoj službi u Kantonu Sarajevo ("Službene novine Kantona Sarajevo", broj 31/16),

5. Uredba o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa ("Službene novine Kantona Sarajevo", br. 39/16 i 10/17),
6. Uredba o dopunskim poslovima osnovne djelatnosti i pomoćnim djelatnostima iz nadležnosti organa državne službe koju obavljaju namještenici ("Službene novine Federacije Bosne i Hercegovine", br. 69/05 i 29/06),
7. Uredba o načelima za utvrđivanje unutrašnje organizacije, kantonalnih, gradskih i općinskih organa uprave i upravnih organizacija ("Službene novine Kantona Sarajevo", br. 36/06, 8/12 i 39/16),
8. Uredba o pravilima disciplinskog postupka za disciplinsku odgovornost državnih službenika u organima državne službe u Kantonu Sarajevo ("Službene novine Kantona Sarajevo", broj 52/16),
9. Pravilnik o jedinstvenim kriterijima i postupku izbora i prijema pripravnika sa VSS u organima državne službe FBiH ("Službene novine Federacije Bosne i Hercegovine", broj 4/13),
10. Pravilnik o ocjenjivanju državnih službenika sa pratećim obrascima za ocjenjivanje ("Službene novine Kantona Sarajevo", broj 50/17).

Kantonalna upravna inspekcija vrši inspekcijski nadzor u kantonalnim, gradskim i općinskim organima uprave i upravnim organizacijama i pravnim licima sa javnim ovlaštenjima u odnosu na slijedeća pitanja:

- poštovanja pravila upravnog postupka prilikom rješavanja zahtjeva građana i pravnih lica u prvostepenom i drugostepenom postupku,
- primjene propisa o državnoj upravi koji se odnose na organizaciju i način rada organa uprave i upravnih organizacija (pravilnik o unutrašnjoj organizaciji),
- primjene propisa o radnim odnosima prilikom ostvarivanja prava državnih službenika i namještenika iz radnog odnosa u organima uprave i upravnim organizacijama, kao i primjena propisa u pogledu ispunjavanja uvjeta školske spreme i drugih uvjeta službenih lica koja rade na poslovima upravnog rješavanja u pravnim licima sa javnim ovlaštenjima,
- rješavanja upravnih stvari u prvostepenom i drugostepenom upravnom postupku u propisanim rokovima,
- pravilnosti primjene pravila postupka koja su uređena Zakonom o upravnom postupku ("Službene novine Federacije BiH" br. 2/98 i 48/99);
- načinu prikupljanja dokaza u upravnom postupku, a posebno dokaza koji prema zakonu treba da se pribavljuju po službenoj dužnosti,
- načina provedbe administrativnog izvršenja,
- pružanja pravne pomoći građanima i pravnim licima u upravnim postupcima,
- vođenja propisane evidencije za prvostepeni i drugostepeni upravni postupak,
- primjene propisa o kancelarijskom poslovanju.

KONTINUIRANI POSLOVI I ZADACI

U toku 2017.godine, Upravni inspektorat je zaprimio 267 predmeta. U svim predmetima postupak je pokrenut po službenoj dužnosti i okončan na način da je:

- u 258 predmeta postupak inspekcijskog nadzora proveden i okončan (pokrenut inspekcijski postupak, odnosno konstatovano činjenično stanje, naložene upravne mjere, praćeno izvršenje mjera i stranka obavještena o izvršenom nadzoru i izvršenim mjerama)
- u 9 predmeta, postupak inspekcijskog nadzora je započet, ali nije okončan i predmeti su preneseni u 2018.god.

Iz 2016. godine je preneseno 26 predmeta od kojih su 18 okončana u 2017. god. , a ostali zbog pokrenutih radnih sporova nisu završeni. Iz 2015. godine su u 4 predmeta izvršeni inspekcijski nadzori, a odnosili su se na postupak administrativnog izvršenja. U 2017. godinu su ponovo uzeti u rad 3 predmeta iz 2014. i 2013. god. nakon okončanih sudske postupaka i donesenih pravosnažnih sudske presude, a odnosili su se na radne sporove.

Tabelarni prikaz

godina prijema	predmeti	završeni predmeti	Preneseno u 2018.godinu	Ukupno
2017	267	258	9	267
2016.	26	18	8	44
2015.	6			6
2014. i 2013.	3			3
ukupno u procesu rada u 2017. godini				320

Tabelarni prikaz upravnih oblasti na koje se predstavke odnose

Šutnja uprave u prvostepenom upravnom postupku	58
Šutnja uprave u drugostepenom upravnom postupku	33
Predmeti iz oblasti bespravne gradnje	55
Postupanje po predmetima na zahtjev Tužilaštva Kantona Sarajevo	4
Predstavke iz oblasti obrazovanja, nauke u kulturi	22
Radni odnosi državnih službenika i namještenika	46
Stambena oblast	17
Pružena pravna pomoć	55
Predstavke upućene nadležnom organu	30
UKUPNO	320

Obavljujući poslove inspekcijskog nadzora po predstavkama građana i pravnih lica, upravni inspektor su nalagali upravne mjere za otklanjanje nedostataka i usklađivanje postupanja prema propisima, a u slučaju kada nedostaci nisu otkoljeni, upravni inspektori su izdali prekršajne naloge. Izdato je ukupno sedam prekršajnih naloga u toku 2017. god..

U svim postupcima pokrenutim povodom po podnesenim predstavkama građana i pravnih lica, predmeti su riješeni u zakonskom roku, a podnosioci predstavki obavješteni o izvršenom inspekcijskom nadzoru, nađenom stanju i poduzetim upravnim mjerama.

Upravna inspekcija prilikom preduzimanja radnji inspekcijskog nadzora, preventivno je djelovala u smislu davanja uputa i objašnjenja pravnih pitanja i stanja, pravnih mišljenja, toka postupka, primjene propisa i sl.

Upravni inspektorat, svakodnevno, pruža pravnu pomoć strankama, kako neposredno u prostorijama Inspektorata, tako i telefonskim putem.

U toku 2017. god., jedna od upravnih inspektorica je zastupala Ministarstvo pravde i uprave Kantona Sarajevo- Upravni inspektorat pred Općinskim sudom u Sarajevu u 5 prekršajnih postupaka iz 2016. i 2017. god., a pred Kantonalnim tužilaštvom u svojstvu svjedoka davala izjave o predmetu bespravne gradnje.

IZVRŠENJE PROGRAMSKIH ZADATAKA

U cilju izvršenja programskih zadataka Upravnog inspektorata za 2018. godinu, izvršena je kontrola usklađenosti unutrašnje organizacije općinskih, kantonalnih organa organa uprave i upravnih organizacija (pravilnik o unutrašnjoj organizaciji) sa zakonima i podzakonskim propisima koji regulišu ovu oblast, te kontrola ispunjenosti opštih i posebnih uslova svakog pojedinačnog radnog mesta i načina zasnivanja radnog odnosa.

Nakon stupanja na snagu Zakona o državnoj službi Kantona Sarajevo i podzakonskih akata, donesenih na osnovu tog Zakona, kantonalni, gradski i općinski organi uprave su donijeli nove Pravilnike o unutrašnjoj organizaciji. Izvršen je inspekcijski nadzor u svim općinskim organima uprave, s tim da su u pet općina zakazani kontrolni nadzori jer Pravilnici o unutrašnjoj organizaciji nisu bili usklađeni u potpunosti sa važećim propisima.

Pregled stanja zaposlenih u Općinama u Kantonu Sarajevo

Općine	državni službenici	namještenici	Ukupno pregledano dosjea
Stari Grad Sarajevo	108	146	254
Centar	112	110	222
Novi Grad	114	125	239
Vogošća	34	65	99
Trnovo	18	23	41
Hadžići	34	47	81
Ilići	77	139	216
Ilijaš	21	48	69
Novo Sarajevo	74	136	210
UKUPNO	578	859	1437

U kantonalnim ministarstvima, upravama, upravnim organizacijama, kantonalnim stručnim službama su obavljeni inspekcijski nadzori (kojim) ali nisu okončani jer je bilo promjena i rukovodilaca organa i izmjena i dopuna Pravilnika, te je obaveza upravne inspekcije da kontinuirano nastavi obavljati inspekcijske preglede.

Tabelarni pregled stanja u kantonalnim organima uprave i upravnim organizacijama

Kantonalni organi uprave upravne organizacije	Izvršen pregled dosjea državnih službenika
1. Ministarstvo prostornog uređenja , građenja i zaštite okoliša	44
2. Ministarstvo komunalne privrede	10
3. Ministarstvo saobraćaja	20
4. Ministarstvo privrede	36
5. Ministarstvo unutrašnjih poslova	Nadzor u toku - pregled personalnih dosjea
6. Ministarstvo za obrazovanje, nauku i mlade	34
7. Ministarstvo za rad, socijalnu politiku, raseljena lica i izbjeglice	19
8. Kantonalna uprava za inspekcijske poslove	111
9. Kantonalna uprava civilne zaštite	9
10. Kabinet premijera Kantona Sarajevo	1
11. Ured za zakonodavstvo Vlade KS	2
12. Ured za borbu protiv korupcije i upravljanje kvalitetom	3
13. Zavod za planiranje razvoja Kantona Sarajevo	50
14. Zavod za izgradnju Kantona Sarajevo	26
15. Zavod za informatiku i statistiku	Rezultat insp nadzora donošenje pravilnika - kontrolni nadzor
16. Stručna služba za zajedničke poslove	4
17. Stručna služba Vlade Kantona Sarajevo	2
18. Služba za skupštinske poslove	3
19. Služba protokla	1
20. Press služba Kantona Sarajevo	Insp.nadzor nije okončan zbog odsutnosti Šefa službe
UKUPNO	375

U izvještajnom periodu su blagovremeno izvršeni i vanprogramske zadaci kao što su odgovori na zastupnička pitanja, pitanja općinskih vijećnika, klubova vijećnika stranaka koji su iz nadležnosti upravne inspekcije.

POJAVE, PROBLEMI I PRIJEDLOG MJERA

1. Upravna inspekcija prilikom kontrole primjene propisa o državnoj upravi koji se odnose na organizaciju i način rada organa uprave i upravnih organizacija, susreće se sa nepoštivanjem odredaba člana 52. stav 2. tačka 3. Zakona o organizaciji organa uprave u FBiH, kojima je propisana obaveza općinskih načelnika i gradonačelnika, da prilikom donošenja pravilnika o unutrašnjoj organizaciji traže saglasnost općinskih vijeća na te pravilnike. Zakonom o lokalnoj samoupravi FBiH, ova saglasnost nije propisana kao obavezujuća, tako da je u nekim općinama tražena saglasnost, a u drugim nije.

Zbog kontradiktornosti u primjeni navedenih federalnih zakona, općinski načelnici kao nosioci izvršne vlasti, su preuzeli i ovlasti općinskog vijeća, jer samostalno bez saglasnosti vijeća odlučuju o broju, strukturi uposlenih i o cjelokupnoj organizaciji u općini.

Prijedlog:

U odnosu na opisani problem u primjeni navedenih zakona, s obzirom da je u programu rada Ministarstva pravde i uprave za 2017. godinu planirana priprema izrade Zakona o lokalnoj samoupravi Kantona Sarajevo, potrebno je da se u ovom propisu jasno definiše, da rukovodioci

općinskih organa uprave donose Pravilnik o unutrašnjoj organizaciji i sistematizaciji radnih mjesto, uz saglasnost općinskog vijeća. Na taj način će se postići da prilikom odlučivanju o broju i strukturi uposlenih i cjelokupnoj unutrašnjoj organizaciji jedinica lokalne samouprave ne odlučuje samo načelnik, odnosno gradonačelnik, nego će na to utjecati i općinski, odnosno gradski vijećnici.

2. Iz tabelarnog pregleda predstavki, vidi se da se najveći broj predstavki odnosio na "čutanje administracije" u prvostepenom i drugostepenom upravnom postupku i to: u postupcima izdavanja urbanističke saglasnosti, odobrenja za građenje i upotrebe dozvole, u prvostepenom inspekcijskom postupku nadzora nad građenjem, čutanje administracije u oblasti rješavanja imovinsko pravnih odnosa, katastarskih i geodetskih poslova.

Prvostepeni postupci dugo traju prije svega zbog velikog broja podnesenih zahtjeva naročito zahtjeva za legalizaciju bespravno izgrađenih objekata, a zbog zakonske mogućnosti da podnositelj zahtjeva može podnijeti zahtjev za legalizaciju iako je već ranije odbijen, broj podnesenih zahtjeva je time još više povećan, tako da su općinske službe opterećene ovim zahtjevima. Drugi razlog opterećenosti je mogućnosti korištenja redovnih i vanrednih pravnih lijekova na prvostepene odluke organa uprave od strane stranaka koje imaju suprotne interese od podnositelja zahtjeva. Posljedica toga je i da drugostepeni imaju veliki broj podnesenih žalbi koje se ne mogu riješiti u zakonom propisanom roku, što utiče na veliki broj predstavki na rad drugostepenog organa.

Prijedlog:

U odnosu na stanje bespravne gradnje prijedlog je da se precizno zakonski reguliše obaveza preventivnog djelovanja urbanističko građevinskih inspektora i to da se propiše obligatorna obaveze inspektora da kažnjavaju, odnosno izdaju prekršajne naloge kao i podnose krivične prijave protiv investitora, odmah pri započinjanju bespravne gradnje, bez pravosnažnog odobrenja za građenje. Većina općinskih organa uprave u sistemu prekršajnih kazni, nisu uvezani u Registar novčanih kazni BiH, a uvezivanje je neophodno radi boljeg pregleda izdatih i realizovanih prekršajnih naloga, Na ovaj način bi se preventivno djelovalo na buduću bespravnu gradnju i istovremeno smanjio utrošak finansijskih sredstava koji se koriste za sprovođenje administrativnih izvršenja (rušenja) putem druge osobe.

Drugostepene organe treba kadrovski ojačati kako bi se omogućilo da u predmetima u kojima mogu i trebaju rješavati u meritumu ili suštini pravne stvari u skladu sa Zakonom o upravnom postupku FBiH, što bi skratilo postupak rješavanja velikog broja predmeta koji se zbog vraćanja predmeta na ponovni postupak prvostepenim organima rješavaju i po nekoliko godina.

3. Upravna oblast korištenja javnih površina regulisana je Zakonom o privremenom korištenju javnih površina na području Kantona Sarajevo ("Službene novine Kantona Sarajevo", br. 20/04, 26/12, 32/12-Ispravka i 24/15) i općinskim Odlukama. Prema prema zakonskoj regulativi javne površine koriste se na period od jedne do dvije godine, žalba na upravne akte kojim se odobrava korištenje javne površine je dopuštena i ima suspenzivno dejstvo.

Prilikom vršenja inspekcijskog nadzora u oblasti privremenog korištenja javnih površina na području Kantona Sarajevo primjećeno je da korištenjem redovnog pravnog lijeka od strane zainteresovane strane u postupku izdavanja odobrenja za korištenje javne površine, rješenje ne može postati konačno, tj. izvršno, a kao posljedica neizvršnosti rješenja, ako se uzme u obzir i rok za donošenje drugostepene odluke po žalbi od 30 dana, znači nemogućnost korištenja javne površine do sticanja svojstva izvršnosti rješenja, a koje je napominje se, izdato sa određenim rokom važenja najčešće do godinu dana.

Prijedlog:

Intervenirati u Zakonu o privremenom korištenju javnih površina na području Kantona Sarajevo, na način da se definije koja lica u ovim upravnim postupcima imaju svojstvo zainteresovane stranke ili odrediti da žalba ne odlaže izvršenje rješenja.

SARADNJA SA DRUGIM ORGANIMA

Upravni inspektorat ima kontinuiranu saradnju sa Federalnom upravnom inspekcijom, a ta saradnja se najčešće odnosi na upućivanje i ustupanje predstavki između ovih inspekcija u skladu sa nadležnostima, kao i razmjeni mišljenja po određenim pitanjima u upravnom nadzoru.

Upravni inspektorat ostvaruje svakodnevnu saradnju i sa kantonalnim i općinskim organima uprave, Institutijom Ombudsmana BiH, pravnim licima sa javnim ovlaštenjima, u odnosu na razmjenu mišljenja u pogledu primjene propisa.

Također, saradnja sa Kantonalnim tužilaštvom, ostvarena je tako što je po zahtjevu Tužiteljstva, ova inspekcija utvrdila činjenično stanje u konkretnim predmetima.

Saradnja sa Kantonalnom upravom za inspekcijske poslove se ostvaruje i u pogledu vršenja inspekcijskog nadzora iz djelokruga Upravnog inspektorata, povodom predstavki upućenim ovoj inspekciji na rad ove upravne organizacije.

O B R A Z L O Ž E N J E

U skladu sa Članom 132. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), kantonalni Upravni inspektorat ima obavezu da podnosi izvještaj o izvršenim inspekcijskim pregledima, o nađenom stanju, pojavama i problemima i o preduzetim mjerama s prijedlogom mjera koje bi trebalo poduzeti za otklanjanje utvrđenog nezakonitog ponašanja. U izvještaju se obavezno moraju obraditi vidovi i načini kršenja zakona i drugih propisa, nedostaci u propisima i predložiti u kojem pravcu treba mijenjati pojedina zakonska rješenja. Izvještaj se podnosi Vladi Kantona Sarajevo i Skupštini Kantona Sarajevo. U skladu sa Programom rada Ministarstva pravde i uprave Kantona Sarajevo za 2017. godinu, planirano je razmatranje Izvještaja Upravnog inspektorata o izvršenim inspekcijskim pregledima u toku 2016. godine. Ministarstvo pravde i uprave predlaže Vladi Kantona Sarajevo da doneše predloženi zaključak i Izvještaj dostavi Skupštini Kantona Sarajevo - informativno.

ZAKON O ORGANIZACIJI ORGANA UPRAVE U FEDERACIJI BOSNE I HERCEGOVINE („Službene novine Federacije Bosne I Hercegovine” , broj 35/05)

Član 139.

Federalni upravni inspektor inspekcijskim nadzorom utvrđuje činjenice koje se odnose na sljedeća pitanja:

- 1) poštovanja pravila upravnog postupka prilikom rješavanja zahtjeva građana i pravnih lica u prvostepenom i drugostepenom upravnom postupku;
- 2) primjene propisa o državnoj upravi koji se odnose na organizaciju i način rada organa uprave i upravnih organizacija (pravilnik o unutrašnjoj organizaciji);
- 3) primjene propisa o radnim odnosima prilikom ostvarivanja prava državnih službenika i namještenika iz radnog odnosa u organima uprave i upravnim organizacijama, kao i primjena propisa u pogledu ispunjavanja uvjeta školske spreme i drugih uvjeta službenih lica koja rade na poslovima upravnog rješavanja u pravnim licima sa javnim ovlaštenjima;
- 4) rješavanja upravnih stvari u prvostepenom i drugostepenom upravnom postupku u propisanim rokovima;
- 5) pravilnosti primjene pravila postupka koja su uređena Zakonom o upravnom postupku ("Službene novine Federacije BiH", br. 2/98 i 48/99);
- 6) načina prikupljanja dokaza u upravnom postupku, a posebno dokaza koji prema zakonu treba da se pribavljuju po službenoj dužnosti;
- 7) načina provedbe administrativnog izvršenja;
- 8) pružanja pravne pomoći građanima i pravnim licima u upravnim postupcima;
- 9) vođenja propisane evidencije za prvostepeni i drugostepeni upravni postupak;
- 10) primjene propisa o kancelarijskom poslovanju.

Član 144.

Kantonalna upravna inspekcija organizira se za vršenje inspekcijskog nadzora u kantonalnim, općinskim i gradskim organima uprave i upravnim organizacijama i pravnim licima sa javnim ovlaštenjima i to u odnosu na sljedeća pitanja:

- 1) u općinskim i gradskim organima uprave i upravnim organizacijama vrši inspekciju u odnosu na pitanja iz odredbe stava 1. člana 139. ovog Zakona, koja su regulirana federalnim propisima;
- 2) u kantonalnim, općinskim i gradskim organima uprave i upravnim organizacijama vrši inspekciju u odnosu na pitanja iz odredbe stava 1. člana 139. ovog Zakona, koja su regulirana kantonalnim zakonom i drugim kantonalnim propisom;
- 3) u pravnim licima sa javnim ovlaštenjima kojima su javna ovlaštenja povjerena kantonalnim zakonom u odnosu na pitanja iz stava 1. člana 139. ovog Zakona, koja su regulirana federalnim i kantonalnim propisima.

U vršenju inspekcijskog nadzora iz stava 1. ovog člana kantonalna upravna inspekcija postupa u skladu sa odredbama čl. od 117. do 143. ovog Zakona.